

UNIVERZITET U TUZLI
Ul. Dr. Tihomila Markovića br. 1
Broj: 01-86-JN-11/24 LOT 1
Tuzla, 19.08.2024. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-86-JN-10/24 LOT 1 od 05.07.2024. godine, po punomoći Rektora Univerziteta u Tuzli broj: 01-1424-1/24 od 13.03.2024. godine, direktor za ekonomske poslove, *donio je*

O D L U K U O IZBORU NAJPOVOLJNIJEG PONUĐAČA

I

U okončanom otvorenom postupku javne nabavke pružanja usluga štampanja upisnog materijala za akademsku 2024/25 godinu (LOT 1) za potrebe Univerziteta u Tuzli, izabran je ponuđač „EUROGRAFIKA“ d.o.o. Zvornik, sa ukupnom cijenom u iznosu od 14.330,00 KM (bez PDV-a), odnosno 16.766,10 KM (sa PDV-om), te se istom dodjeljuje okvirni sporazum za akademsku 2024/2025 godinu i ugovor o pružanju usluga.

II

Ponuda ponuđača iz tačke I ove Odluke zadovoljava sve uslove postavljene u Tenderskoj dokumentaciji, te je po svim elementima, uključujući i ponuđenu cijenu, prihvatljiva za Univerzitet u Tuzli.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke dostavi original ili ovjerene kopije svih uvjerenja/povrda kojim se dokazuje vjerodostojnost date Izjave iz člana 45. stav (2) tačka a) do d) Zakona o javnim nabavkama BiH.

IV

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Univerzitet u Tuzli pokrenuo je postupak javne nabavke pružanja usluga štampanja upisnog materijala za akademsku 2024/25 godinu (LOT 1) putem otvorenog postupka javne nabavke pružanja usluga štampanja sa namjerom zaključenja Okvirnog sporazuma sa jednim ponuđačem za svaki LOT posebno, broj: 01-86-JN-2/24 LOT 1 i LOT 2 od 10.05.2024. godine, objavljenog na Portalu javnih nabavki, obavještenje broj: 795-1-2-60-3-69/24 od 21.05.2024. godine, a sažetak u „Službenim novinama BiH” broj: 36/24 od 24.05.2024. godine i WEB stranici Univerziteta.

U ostavljenom roku ponudu su dostavila dva ponuđača “Svjetlost-BH print” d.o.o. Sarajevo i „EUROGRAFIKA“ d.o.o. Zvornik.

Ponuđač “Svjetlost-BH print” d.o.o. Sarajevo je na osnovu zahtjeva za uvid u uzorke izvršio pregled uzoraka upisnog materijala u prostorijama Univerziteta u Tuzli i iste preuzeo uz obavezu vraćanja do otvaranja ponuda. Preuzeti uzorci su vraćeni u zasebnoj koverti uz ponudu ponuđača. U sastavu svoje ponude ponuđač “Svjetlost-BH print” d.o.o. Sarajevo je dostavio uzorak indeksa koji nije izrađen prema opisima indeksa datim u Aneksu 3. U opisu je traženo da korice indeksa budu od knjigovezačke ljepenke 1.8 mm presvučene platnom sa suhim žigom, međutim ponuđač je dostavio uzorak indeksa kod kojeg korice nisu presvučene

odgovarajućim platnom u skladu sa datim uzorkom upisnog materijala Univerziteta. Nadalje forzec papir kojim je spojen knjižni dio sa koricama je manje debljine od tražene odnosno forzec papir nije ojačan u dijelu gdje se vrši ljepljenje forzeca za ljepenu kao što je na uzorku Univerziteta datom na uvid ponuđaču. Na prvoj stranici indeksa font slova teksta INDEKS (UPISNICA) ne odgovara datom uzorku.

Obzirom da ponuđač "Svjetlost-BH print" d.o.o. Sarajevo nije dostavio uzorak indeksa u skladu sa traženim opisom iz obrasca za cijenu ponude i uzorkom indeksa Univerziteta u Tuzli, njegova se ponuda odbacuje kao nepravilna.

Cijeneći ponudu ponuđača „EUROGRAFIKA“ d.o.o. Zvornik u pogledu kvalificiranosti i ispunjavanja zahtjeva iz tenderske dokumentacije, te prema sadržaju i potpunosti, Komisija je utvrdila da ponuda sadrži sve zahtjevano dokaze tražene tenderskom dokumentacijom, zbog čega je navedeni ponuđač ocijenjen kvalifikovanim, a njegova ponuda prihvatljivom.

Budući da je ponuda ponuđača „EUROGRAFIKA“ d.o.o. Zvornik prihvatljiva u formalno-pravnom smislu i da ispunjava sve postavljene zahtjeve iz tenderske dokumentacije, to je Komisija predložila da se u skladu sa kriterijem za dodjelu ugovora "ekonomski najpovoljnija ponuda" navedenom ponuđaču dodijeli Okvirni sporazum za akademsku 2024/2025 godinu i ugovor o nabavci usluga.

Cijeneći izneseno, te činjenicu da su u ovom postupku javne nabavke zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba URŽ-u putem ugovorog organa Univerziteta u Tuzli u roku od deset (10) dana od dana njenog prijema, na adresu dr. Tihomila Markovića br.1.

Prilog:

- Zapisnik o pregledu i ocijeni ponuda broj:
01-86-JN-10/24 LOT 1 od 05.07.2024. godine

DOSTAVITI:

- 1x učesnicima
- 1x WEB portal
- 1x a/a

